


生詩原  
十一之四

五

16  
1533  
38

早稲田大學附屬圖書館  
寄第  
第 號  
第 卷  
出帶許不外館書此



門八和16  
新 1333  
卷 #038



羅山林先生詩集卷第十一

歲時一

正旦試毫詩

近世國俗年初所作無試筆而毫穎翰等皆與筆通用

玄默攝提格之歲日在營室律中太蔭之月神

畫門邊鷄貼戶上之日尾星躔於南中之時繡

梅曆而知三始焉誦椒頌以祝萬壽也飲屠蘇

酒則五百載之思邈猶在西掩立蟠桃符則三

千年之王母來伴東方或所以厭邪氣制諸鬼

者也或所以割惡癘活衆人者矣且夫此日也

天朗氣霽風溫雲和維是吉日時哉時哉予聞  
乏簡子放鳩示有息于民間明皇夢鬼除虛耗  
於天下元日慶賀之會始於高祖立春寬大之  
詔下於光武喫酒救火者樂尚書之幻術也解  
經重席者戴侍中之不窮也若是之事迹不遑  
枚舉焉四海圖籍萬國貢珍者班孟堅之賦也  
三盃藍尾一椽膠牙者白居易之詩也湖上逢  
故人者嚴維也省中呈諸公者盧綸也梅翁和  
冲卿之元會蘇公次仲錫之上日此等之詩文

不可勝記也當此之時爭無下句之試吾筆者  
乎然欲言則如箝在口矣於是遽有毛穎氏之  
後毛純者為人強記而便敏忽焉握東風之手  
刺以解墨池之凍俄然假陽春之脚而入楮國之  
境顧而告予曰請代予而作可也哉予曰唯唯  
遂代予作野詩矣于時慶長萬年之七年也其  
詞曰

春入皇州日載陽光陰過客去來忙筆頭縱使無  
花發更有前村殘雪香今茲歲二十

單闕春朝試毫 慶長八年

春雞旦毛穎氏與陶泓陳玄相逢楮先生為之地  
慶賀已穎請于衆曰昔者吾祖明跡封於卯今  
茲固當楮曰詩云勿念爾祖爾其念諸泓云亦  
然之於是乎穎進言曰

陳曆已終新曆披寅年忽去卯年來春風不隔墨  
池水一夜冰融試筆時

丁未雞旦二首 慶長十二年

塵淨水融試墨池烟霞風雨寫吾詩由來指上備

天地政是羲皇一畫時

非兔非狸吾一筆物狀可寫情可述刻藤端右徂  
徠松多少不足供今日

雞旦試毫 元和元年 時三十三歲

列國諸侯會不期君軍到處悉平夷捷書夜報今  
朝筆一著戎衣天下治

昔日本磐余之到浪速也群賊崩厥角蜘蛛裂  
厥網矣厩戶皇子之伐難波也大連傳其首鳥  
部解其尸矣今我 征夷大將軍之撥大坂之

亂也摩億萬之羽旄隨百二之金湯矣兵法所謂圍而不攻神謀奇哉止戈之時爰逢新正聊涉筆以擬凱歌大坂者蓋難波之地而右之浪速國云

戊午試筆 元和四年在江戶

四海今朝只一家故鄉春不隔天涯武陵元有神仙境從此桃花幾片霞

非已未試毫 元和五年在洛陽

山妻稚子共團圍座上春風吹不寒窓曙欲窮觀

物眼朝霞千里滿長安 惺惺嘆賞和韻示天

庚申試毫 元和六年 在江戶

紙上武藏野筆端富士峯今朝東海雪滿袖忽消鎔

辛酉雜白 元和七年在洛陽

黃鳥初聞耳暫明人間豪傑感心生岐山渭水有消息呂望非熊亦鳳聲

壬戌元日 元和八年在江戶

辛壬酉戌忽推遷出海雲霞醉面前四十吾今言

不感應同衆木假椿年

元日大雪

飛雪瀟瀟入步檐寒聲今日却知嚴天憐未食君  
羹者為撒空中百里塩

癸亥武城上日試不律 元和九年

若木紅雲東海天膠牙藍尾肉羹前古人獸立久  
期我四十今朝又丁年  
右激墨池于東海動筆峯於中山聊祝鷄旦式  
延鶴齡云

元和萬萬歲之十年甲子月正元日擗管

是日丙辰朔在洛陽

章帝憲宗年號均于年寅月日加辰中和位育元  
和節一笑江山花草春

是歲元和十年二月晦日改為寬永元年

乙丑歲初試筆 寬永二年在江戶

東皇命令叙彝倫江上新正天下人今日欣逢太  
平象君臣父子一般春

丙寅元日 寬永三年

庖有魚羹房有文復逢新歲共欣欣今朝日出處  
天下花自東方是白雲

丁卯元日試筆二首 寬永四年

夙起敲氷試墨池吟囊穎脫是毛錐春風潤色幾  
千首刪定許渾丁卯詩 丁卯者海所居也今僅用  
成多

朝來四十五年春笑指梅花比大椿先飲屠蘇自  
吾始一家長幼叙彝倫今年余四十一又五

戊辰雞旦試筆二首 寬永五年

四海今朝同一家東風吹暖入韶華御園新柳春

陽下闔國衣冠多似霞

一陣和風吹滿身乾元即是四端仁染濡石氏虛  
中水陶寫羲皇向上春

己巳元旦起筆 寬永六年

萬丈禱桑朝日紅烟霞滿面對東風永泚若向仲  
尼硯元氣周流神海中

元旦書之與叔騰 時年十七

認得一家天性仁欣逢寬永六年春李蟠今日受  
師說程子當時讀曾論

庚午元旦口號試筆二首 寬永七年

雨後朝來一片霞，新正風物競韶華。  
去年梅子雖吹落，猶待山礬次第花。  
去年之夏叔勝歿

今年人憶舊年人，草木雲霞獨遇春。  
座上屠蘇誰始飲，今年人憶舊年人。

辛未元旦試毫 寬永八年

爐裏紅麟亦示祥，晨霞先進柏椒觴。  
書堂願藉春風力，一簣築成夫子墻。

壬申元旦試筆二首 寬永九年 時五十歲

繁榮元在本根堅，花咲金城遲日天。  
仰祝東君開壽域，車駕累洽萬斯年。

改歲入城韶景新，一家九鼎幾千鈞。  
風光經緯裁春服，衣被今朝天下人。

癸酉元旦試筆 寬永十年

一夜春風癸酉天，官梅和暖最芳鮮。  
此花開處萬邦遍，仁德賢君即位年。

甲戌元旦試毫 寬永十一年

盤有屠蘇碗，有茶詩鮓未。  
巧思無邪我家新樣陽



春脚一筆雲開千里霞

乙亥元日試毫 寬永十二年

烏卯國中皆一家  
瞳瞳朝日映紅霞  
春風同樣更吹煦  
恩賜御衣深似花

丙子元日試類 寬永十三年

雞白風光草際浮  
春皇賦瑞遍桑洲  
豐年宿雪東溟滿  
漲起恩波無底流

元日立春

一饒數手酌又醜  
春盤况有菜羹餘  
東郊迎得靈

威仰聊配素王祈歲初

丁丑元日試朝鮮信使所惠黃毛筆臘晦信

使發途今日逗留神奈川

珍重歲初千萬祥  
瞳瞳瑞日映城牆  
朝霞寫出新

圖樣我國東風到樂浪 寬永十四年

戊寅歲旦 寬永十五年

明窓朝對石虛中  
日出扶桑滄海東  
年徃年來年變  
虎雪車解去嘯和風

己卯元日試毫二首 寬永十六年

新年春味試梅諸，一字茅間萬軸書。莫道管城無  
食肉水，融又得墨池魚。

歲初任例賀平寧，塞外寰中同一庭。露抄雪摹頭  
漸白，鳶飛魚躍眼終青。東方若木出蒼海，北極官  
梅映紫皇。縱是黃楊，雖遇閏十三葉，月保遐齡。

庚辰元旦試筆 寬永十七年

孟陬朔旦慶令辰，座上酌花椒酒新年及。浩翁心  
不及初聽，噪起小窓春。

辛巳元旦 寬永十八年

東列韶景似西湖，詩與梅花清又癯。試問郊邊殘  
雪道，春風老馬却爲駒。

壬午元旦試筆 寬永十九年 拜六十歲

不隔東關與帝畿，春風一樣慶三微。管中嫩柳陰  
新處，日日絲長補袞衣。

元日大雪

雪聲一夜尚嚴稜，當戶晨雞催夙興。誰識帝觴流  
白散，簷牙餘瀝著烏冰。

癸未元旦試毫二首 寬永二十年

地統忽過人統來晨霞相映秋雲堆手中退筆老  
猶秀慙愧窓前小字梅

曠曠吉日又辰良江上梅花發暗香世事米塩如  
宿雪屠蘇一盞是温湯

甲申雞旦 正保元年

筆倒三江何在吾春風席上酌屠蘇雪如文字未

融釋白髮千莖梅一株

乙酉元旦 正保二年

老晚迎春氣欲蘇為梅今日做工夫我年數自乾

資始水火相調既濟爐

丙戌雞旦起筆 正保三年

東關任舊一茅庵白散裳來掃瘴嵐六十暮齡依

副四三朝今却似朝三

丁亥元旦 正保四年

松竹千門萬戶前春風吹度蔚藍天我師伯王六  
十化今是昨非加五年

又

新年隨例試玄毫松竹門傍霞氣高六十化過春

又五昨非今是愧，遽陶

戊子元旦

慶安元年○案上有公羊傳

東海曙霞梅柳春，六旬有六歲，  
萃新，手龜不試，聖人筆撥，獲紅爐火德麟。

己丑元旦

慶安二年

迎春自悅老簪花，豁齒餘寒依輔車，  
六十放翁其上，又七年夜雨作朝霞。

庚寅元旦

慶安三年

千里朝霞海一方，家家隨例得禎祥，  
柔毛率虎知

新歲猛士來趨告朔羊

辛卯元旦試毫

慶安四年

窓曙海東霞外，瞰欣欣老去，遇三元，  
新年草木青，依舊白髮猶，斟白獸樽。

又

三句皆平，一句仄

唐堯欽天憂民生，麟經常書春王正，  
政令率舊節，候到東郊祈年，催耘耕。

壬辰元旦

萊應元年

清苾椒花各一盞，聊兼食邑養微軀，  
老萊七十年

相若悔聽新鸞不弄鳥

癸巳元旦 兼應二年

兒孫滿座稱姬魚家塾新正樂只且百里奚年今  
借一汗牛飯了又藏書

甲午元旦 兼應三年

醉盜開顏向谷風見花不愧髮如蓬二儀動靜者  
稀上八九陰陽數在躬

乙未元旦立春 明曆元年

新年憤不知耄及嫩梅稚柳黃鳥集元旦筆

東風春興視海一時立

此日丁亥 老拙今年七十三

環堵依然拙秀毫春盤羹和澗溪毛老身築似元  
朝亥天製霞衣授復陶

丙申元旦試筆二首 明曆二年

四歲加多七十雙春風茶鼎手中扛  
難名夜唱金吾鳥轉入今朝喚起窓

側聞是月 新帝踐位 余頃白案上黃魯直  
詩集隨有隨見摘其句字不拘聲律以為一

絕

江上春水碧於天，門柳繫馬曉鶯邊。  
建寅星壇祝堯壽，太聖天子即位年。

丁酉元旦試筆

明曆三年

幽鶯出谷步檐前，嫩杏倚雲遲日邊。  
二十五聲春曉點，長添錦瑟有華年。

今茲是月二十三日先生易簪歲七十五

羅山林先生詩集卷之十一終

羅山林先生詩集卷第十二

歲時二

奉和陽明殿下改歲之佳製

花下春遊有以哉，和風細雨共相催。  
人間未得看瓊樹，一朵紅雲天上來。

奧列黃門有歲旦之倭歌，柳宗矩文寫之破。

竊且曰和之否於是，猥摘其歌之末字為韻。

綴卑詞以呈焉

一片朝霞邦國新，江城東奧好為鄰。  
屠蘇先祝梅

花壽占得仙人掌上春寬永五年

和石川主殿頭敦高元日倭歌末句韻字三首

一陣谷風吹習習明窓欲曙春先入硯池水泮試  
毛錐忽見袖中東海立

臘雪未融春既到今朝永愛風光好君家有帚價  
千金一詠一觴愁可掃

東皇到處有歡悰天上恩風雨露濃青鳥報春王  
母使十洲三嶋一時逢元和九年

庚辰正月初吉石川尚舍奉御君有試毫之

倭歌二首披讀之後摘其末字以為之韻綴

甲詞以投皇之云爾伏希乙覽

和氣春風自蕩然屠蘇獻壽賀新年東君為衣被

天下霞是綃帔雲是綿

新歲欣欣調王燭紅雲捧出扶桑旭鳳曆初開呈

瑞祥朔旦早寬永十七年有列侯告

奉和石川君歲旦倭歌之末字

新歲吉祥相逐來東風解凍墨池開朶雲高出八

雲上倭語帶霞尤美哉

寬永十八年

奉次大中大夫石川君雞旦倭歌之末字

新年富夏開壽域家家欣賞陽春德雲箋悅目天  
不靡霞彩花影添韶色

歲初慶賀祝無涯遲日士林繁茂時色裏膠青春  
色好歌聲盡出使人知

寬永二十年

乙酉正月元旦大中大夫石川君有試筆之

倭什被示春齊既而余亦薰誦之因摘末字

漫綴蕪筵以獻之

正保春王萬二年畫雞映日蔚藍天黃鸞忽被君  
歌駭花可穿兮柳可遷

四海絃今同一家和風淑氣共交加柳開幕府營  
前蔭花笑琶湖城外霞

和春首試墨之嚴韻奉寄竹中丹州使君

時日有元梅有元幽人催興吐芳言若非東閣江  
邊夕定是西湖雪後園

元和八年

和試韻之芳韻呈竹中太守之絳帳下

這老吟髭未白些遐齡猶祝永無涯春風巧製文



章錦翠翠紅紅竹裏花

元和九年

奉次重門君試毫之韻軒渠

斗柄建寅入統辰滿天滿地物皆春清詩鼓吹洗

吾耳絕勝鸞歌一曲新

寬永二年

次竹丹牧新年試毫詩韻禮曰某子使其聞

子有客使其羞是賀婚禮之詞也竹丹牧年

前為令愛迎良婦可以慶矣於是年後新試

筆賦詩余諷之則百喜之好音不讓黃鸞丁

家之和氣只在綠竹遂和一章以代其羞而

奉賀之

元旦尋常是吉辰入門先賀媾婚新此君富與公

侯等渭子生孫萬戶春

寬永三年

丁卯正月竹丹牧在濃之采地賦歲旦丁絕

遠寄東武被示余應其求之而漫批者數字

矣且嗣響以呈似之

吾在山東君在西新年光景共相齊筆端借得春

風手梅蒼纔開小字題

寬永四年

漫次竹丹牧肇歲擗管之遺響

詩句新鋪錦繡茵，屠蘇爐底熾烏銀。竹中滴凍硯池水，蒲簡和風淇澳春。寬永五年

次韻土方氏元旦試毫詩

今朝吹萬屬東風，椒酒茶盤比屋豐。五帝如春須記得，花中舜紫又堯紅。元和九年

猥和土方氏試毫之絕句韻

隨例相逢雞日晨，常存主宰本來真。縱橫筆陣東風手，應是花魁第一春。寬永二年

和鳴田利政元旦倭歌韻字

春光始是到天涯，待看和風細雨花。第一鶯聲還第一筆端吐語，帶烟霞。元和九年

鳴田霜臺有元旦試筆倭歌，猶日邂逅於

營中被示焉。吟詠再三，殆乎治世之風體歟。漫撮其末字，以為韻綴。野詩奉呈伏希乙覽。彩霞朝酌柏椒盃，吹暖春風到憲臺。治世音中太平象，鶯歌一曲也奇哉。寬永四年

和鳴田春世元旦倭歌韻字

春到千門又萬家，從今永祝歲年遐。早斟蒲座屠

鮪酒便是朝來一片霞 元和九年

摘柳生宗矩春首倭歌末字

筆頭冰向硯池消 一陣春風入 栢椒花下紅雲柳

邊雨自今暮暮與朝朝 寬永五年

絕句一首摘好古堂歲旦和歌末字云

風軟水融 硯沼開 歲初倭詠最奇哉 一篇早報陽

春信 鶯語花言相共來

大橋重保文者我 幕府之史局也公務之

暇手摸鍾王之蹟 口吟山棟之風 且就余聽

講書者數席今茲有雞旦佳什疇昔齋來被

示之可以嘉尚矣於是採其尾末之字以為

韻綴甲詞以酬焉

年日忽新歌亦新煙霞一幅絕纖塵只疑萬物陶

甄外花到毫端有別春 寬永四年

荒尾久成君在館林旅邸贈雞旦倭歌于考

槃適余偶見之取其末字以為絕句韻寄其

遠聲

春信聞喜起居穩黃鳥聲中待君返相思一夜梅

花風暗香吹送不難遠

漫走筆嗣貞昌佳士雞旦試觚之韻響云

年與清詩共麗新士林日暖賞嘉辰武陵未待桃

花馬八尺梅龍一朶春寬永五年

口占一章漫尋貞昌試春之芳押云

吟賞新年人自欣天葩蒲口吐奇芬春風送暖屠

蘇藥調得一家臣與君寬永六年

漫和貞昌文試觚之芳押

世俗今如上古淳熙熙陽德壽斯民恩波到處無

遐邇東海風輕西海春寬永十一年

丙子建寅之月漫和貞昌韻士試觚之芳押

陽和入手硯先融畫棟尋常典籍元霞是屠蘇花

是筆灑觚二十四番風寬永十三年

漫和貞昌丈人元旦試韻之芳韻

一氣乾元天下貞雪殘年後表豐盈仁風及物陽

和力黃鳥鳴春無不平寬永十四年

戊寅陬月漫和貞昌丈人試韻之韻

新歲佳祥不有涯丁春立後七蓂加東風更入謠

仙手語帶煙霞筆帶花寬永十五年

依例漫攀負昌韻士試穎之末枝云

環海和風吹兆民從茲共賞百花晨東皇德化今  
猶古疾斂城邊同一春寬永十六年

依例攀負昌雅丈試毫之韻枝

同遇建寅人統時雲霞花鳥共怡怡千林萬草偃  
風處東帝威名天下知寬永十七年

漫和負昌雅丈試觚之芳韻

人統得時天地新月正上日最令辰晨霞若木無

私照四海九州同一春

卒和秘書郎嶋津久通雜日試毫詩韻

歲自揮毫祝吉辰海東霞簇海西民春風一陣入  
君手詩興鸞吟相共新寬永二十年

前於莠陽牧伯長政君之家老栗山氏在江府有

元旦試觚之作其一則絕句也其一則似詩

而和歌者也蓋滑稽之風乎書以寄余於是

次其韻而投贈焉

武備文才要共豐水斯呵筆硯池觀丈丈有脚春

如是西海西羨東海東

右雄元又有雌元此氣浩然尤且言鱗古神代春  
來者東風吹寄自天原 元和九年

和子文丈擲管之韻聊祝其遠大云爾

萬物一新天下春唐虞今日是比鄰化工不隔山  
川外和霽温風吹我民 寬永二年

粟子文自筑陽被寄示試穎之詩余在東武  
見之不耐遐想之至於是和答焉

潮信遠來如近鄰海霞藹藹滿腔仁一春西地迎

新歲千里同風思故人

又 首尾吟

三十六峯延幾年春風遲白似長年嵩呼一響君  
聞否三十六峯延幾年 來詩有六六年之語  
寬永三年

和栗山子試穎之芳押 詩中有我老之句故云

百喜禽言一轉圓新正物物悉清鮮請君勿謂呼  
吾老屈指今朝強仕年 寬永七年

黑田一明少年今歲始有雞且試筆詩齋來  
示余不祓吟賞遂和其韻以寄之云

彩霞抹出筆端，山風月，胸襟梅蘂，頰春雪光寒。三尺水君家，雄劍古今閑。元和九年

次金子祇景詩韻

一夜中間已與辰，朝來物候目前新。春風今古同然意，歲歲年年人是均。元和三年

和金祇景氏詩韻元日詩

溫溫漫漫谷風微，淑氣吹晴百卉菲。一夜梅花枝上月欄干，寒影發明輝。元和五年

和金祇景詩韻

環洛四山光景清，夜來積雨曉來晴。春風袖裏入詩句，除是欲鳴無不平。元和七年

和金政景雅丈歲初起筆之韻

新詩新歲共同時，遠贈庭梅雪後枝。一樣春風自東到，洛陽花柳必應期。寬永三年

壺齋昌俊丈有雞旦之倭歌，羊白來訪被示之吟賞之餘，採其末字而次韻云

忽送寅年迎卯年，春風遲白弄芳鮮。梅邊羨憶桃花路，雲淡武陵殘雪天。寬永四年

和盞齋丈人元旦之倭歌

摘其尾句來字

窓向東方白處開，歲初佳什眼前催。  
霞流一滴倭歌海，春自浮天波上來。

寬永五年

昌俊丈有歲暮歲旦之倭歌二篇聊寓一感

一賞之興卷舒不止於是摘其一字賦一絕

惟詩云

筆端不得百花開，手裏春風與羨哉。  
兩首新吟勢

如走一龍歲去一蛇來

寬永六年

採昌俊試筆和歌末字

採來韻春風醉裏人

自是平生武備才，詠歌芬郁一枝梅。  
新年花鳥皆

依舊爭奈人間去，不來

寬永七年

摘昌俊丈人歲旦倭歌之末字

硯沼水消不惹塵，清詞任例賀令辰。  
今晨自有秦平象，一曲綿蠻百喜春。



羅山林先生詩集卷之十二終

平寒下曲...

...

...

...

...

羅山林先生詩集卷第十三

歲時三

正保丁亥孟春奉和水戶三品羽林君元旦  
試毫高韻

新詩報喜肇年來字字生輝珠幾枚  
一陣東風管城下花魁元是屬官梅

戊子元旦有水戶羽林君試毫詩偶得傳聞  
猥和奉其嚴韻

爐裏紅麟是角端月正劔珮對團圓  
日華風色且

千里花舞鳥歌同一歡殘雪皎如盛玉椀薄水清  
了拍銀盤新年景福先勤德雞在朱門音已翰

屠維赤奮若孟陬三品羽林君有詠毫排律

一篇辱枉使价被求老拙爲之雌黃然其風

格體製可以圭復而不能竄一言也不亦奇

乎因綴俚語和陽春以巴人故詩中亦及此

云爾

送臘逐年華禎祥祿壽加殿庭梅細影風燾竹高

牙日暖綵雲朵雪獸碧椀茶天文交地理陽德禁

陰邪雁去衡山浦鸞嫌郢曲巴欣欣萌動草經史

亦開花慶安二年

再奉身三品羽林君已丑歲初排律之芳抑

韶和發耀華席上王餐加春色先開面物私不掛

牙武陵山水杖陽羨舊新茶椒頌既呈賀桃符早

去邪建寅望北斗傳子憶西巴年後餘寒意香風

松有花

庚寅孟春和奉三品親衛中即將源君元旦

起筆之詩之瓊韻

建寅北斗遇三陽舌在天心即是吼今歲官儀雖  
似古東君不肯取洪荒慶安三年

和奉三品羽林源君辛卯元旦試穎之高韻  
詩中有嘉齡與花信風同數之語故拙和亦  
借用二十四考之意又一首寓常陸字云爾

闔國迎年賀吉辰瓊章落手最清新東風進筆中  
書令考得汾陽麾下春

欣賞三陽交泰辰朱門白屋歲華新尋常陸地文  
章浪漲起東溟萬里春慶安四年

奉次三品羽林源君歲初試健筆詩之瓊韻  
拙語有觸英筭悚懼之甚昭恕惟幸

一陣春風遲日天常刈霞際幾炊煙鶯歌似鼓軒  
輾瑟二十五絃同數年兼應元年

三品羽林君示賜癸巳元旦試大筆之佳作  
任仰白余之所思因欲奉次嚴韻遂以二十  
八字為韻綴蕪詞共言春事謹進諸左右

年與清詩共競新徽音遠掃耳邊塵溥天率土東  
風遍吹萬不同同一春

雪消何須吳山笠年後會逢陽春立黃鳥喜遷應  
是松林間絃管谷風入  
曙光一道入明窓筆力揮來九鼎扛鷗有春聲相  
狎玩溶溶漾漾對晴江  
東風手裏筆縱橫白散金壘賞月正春入燒痕將  
鬪草隨州五字築長城  
一段餘寒凍玉樓峙西土嶺幾千秋雪殘白戰疑  
王霸行到學池漸未浮  
浮筆紫潭似木窾寒燈挑盡霄漸短春風詩味齒

牙清自知飲水有冷暖  
邸內欣欣逢孟陽豈唯今日促梅糝新詩若此如花  
花女縱是毛施羞粉光  
未見清陰滿陌頭煙條低眼露凝流受風問起黃  
金柳攀折無爲繞指柔  
物色新年造化工天光雲影沼池中凌波仙子裁  
春服灑灑成紋水面風  
既送短日迎遲白嫩鸞始囀太簇律秬今聖代春  
露多億兆人家四海一

鄴侯牙籤玄晏架春誦聲高不慙嘆西清何飾上  
 元燈古道照頽對深夜  
 每逢新歲思故里世上何處義風起誰憑歸雁問  
 蘇卿雪旃弁咽日窟水  
 老來却喜賞青陽草木時宜意不忙豈趨幽人語  
 階砌催花小雨滴浪浪  
 湖邊梅影月昏黃林下杏風雲奮揚慙愧尋花如  
 務世萃顛胡老髮蒼浪  
 曆尾曆首隔今昨能使茶壘操葦索昔把墨池比

北溟今見巨魚縱木罽  
 君子國中君子家明窓斐几向朝霞健毫新試丹  
 青炳拙語繁多添足蛇  
 有脚陽春進翼如東風吹不隔親踈剪霞為錦雲  
 為繡洪造衣刀字是初  
 半解半凍立春水龜手携筇欲隨指錐有振蠱幽  
 鳥來未見雌蝶雄蜂起  
 餘分筭來章法均今年六月倍三旬亂臣竊位門  
 中玉罵笑揚雄作羨新

陽德周流滿，八挺東皇和氣慶。雲天壽名位，祿且無限。承應千年第二，年  
政令今自青帝出。群草衆木皆萌茁，憑誰誇說杜陵翁。元日不陰，至人日  
喬松影落，掃紅塵。時是東風吹煦，春醪月坐，花雖酌鳥蒼髯醒起。老龍鱗  
窓前初曙，開秘笈小字梅蕊。是花押春漲，雪浪如矢，流不脛。十重堅緻，甲  
寒頭磨拭，麝香煤武庫文房欲育才。傳野雪消蹤

可認調羹御手待塩梅

新歲欣逢淑氣，蘇君家筆力，倒江湖谷水。未泮猶  
競戰二十八篇聊，僭踰

青青階竹，與門松新歲讀書，過舊冬詩味由來春  
味外，賤雲陰了，下團龍

詩中石藥，叫至寶，夢裏池塘生芳草。春風追還唐  
宋風，癩奎律體分，髓腦

江上新正把，栢觴本朝嘉禮是，尋常靈堅，權上梅  
花路先，識心清，聞妙香，承應二年

三品羽林源君甲午孟陬有試健筆之佳作  
可謂新奇矣且余早詩得入乙覽辱賜高和  
謝而有餘於是奉次瓊韻以呈左右

三陽送癸回乎甲甲年來一朶花魁發多哉將帥

才 兼應三年

丙申孟陬奉次三品羽林源君試筆之瓊韻

雲捧東皇祥畢臻星環北極物皆新周遭後歲雞  
朝節等待鸞梢燕朶辰 明曆二年

和奉羽林君丁酉元旦試筆韻

綠水青山春色儲軒渠六里是商於月正須記體  
元趣景仰身行心得餘

文王世子是周儲沼入墨池魚翔於玉色暗香咸

有德一枝捧出六花餘 明曆三年○以上四十首

奉和伊達左京君試筆韻

語與煙霞相共新百花猶待惹芳塵豫州元是陰  
陽會天地中間占得春

奉和伊達兵部君試筆韻

座上屠蘇雞旦辰葦箋一幅五雲新枝條想像黃

金色嫩柳麴塵東與春

甲午孟陬狝次伊達宗勝君試毫芳韻

玄陰忽去遇青陽松竹開張門戶光一善百花共  
萌動春心餘慶更無殃

雞旦遲遲日一輪詩聲鸞囀競奇新屠蘇得歲多

彌永挽取仙翁臺上春 永應三年

文王次伊達兵部試兔詩韻

巖有蒸苔松有蒙新年物色得滋豐試春一曲歡

聲久聽取黃鸞囀谷風 明曆元年

丙申元旦和伊達宗勝君試穎之芳韻

柔毛細肋一年殫猿叫雲霞林樹端珍重嘉時元

有味食前方丈進春盤 明曆二年

即座奉撮河州令牧井上君元旦倭什之尾

字 今茲元旦日君在常陸之食邑

依例敷于賞物萃半庭殘雪映晨靄常州不隔武

州路兩地韶光一片霞 正保四年

慶安康寅永井君尚庸少年始有歲旦詩韻

韻以呈之



牛虎推後改歲開地天交泰迎陽來春皇一夜渡  
江海梅是木蘭船是梅

次江子中試翰詩韻尚庸姓大江字子中

蒲顏春晷對青陽門側松筠墻下桑新歲清時應  
有味餅糞添得大官羊明曆元年

自庚寅至丙申每歲雖和尚庸試筆淨書

副稿共罹丁酉之災今僅存其二首

和八木氏元旦倭什尾字

新歲風景入詩句花柳萌動鸞振羽從今野馬陽

煇時吟鞭何處不欣慕慶安二年

和八木宗直君歲旦倭歌末字

春風入手掃塵埃倭詠攬霞淑氣催桃版似加方

朔棗君今七十七年來歌中有年五十七之意慶安四年

漫摘八木君試筆倭什之尾字

朝向陶泓試翰墨高歌入耳鸞不默白髮不消雪

千莖慙愧門松城柳色承應元年

癸巳陏月摘八木宗直君試筆倭歌之末字

履端曆始開遲日使花催新曲鍊歌裏春從倭語

來

甲午孟春摘八木宗直元旦倭歌末字

年新意亦新短冊掬長春狗尾續歌末戴貂風韻

人承應三年

摘八木但牧試舩倭歌末字

幽谷風暖見鶯晷野草青處煙霞紫歌與嶽空孰

清高猶疑宿雪在太始明曆元年

丙申歲初和奉八木但君倭詠之末字

穩坐屠蘇挹硯中東海立浴梅露似珠戴雪天如

燭時吟鞭何處不欣慕慶安二年

和八木宗直君歲旦倭歌末字

春風入手掃塵埃倭詠攬霞淑氣催桃版似加方

朔寮君今七七年來歌中有年五十七之意

漫摘八木君試筆倭什之尾字

朝向陶泓試翰墨高歌入耳鶯不默白髮不消雪

千莖慙愧門松城柳色承應元年

癸巳陞月摘八木宗直君試筆倭歌之末字

履端曆始開遲日使花催新曲疎歌裏春從倭語

來

甲午孟春摘八木宗直元旦倭歌末字

年新意亦新短冊掬長春狗尾續歌未戴貂風韻

人承應三年

摘八木但牧試觚倭歌末字

幽谷風暖見鶯晷野草青處煙霞紫歌與嶽空孰

清高猶疑宿雪在太始明曆元年

丙申歲初和奉八木但君倭詠之末字

穩坐屠蘇挹硯中東海立浴梅露似珠戴雪天如

焰時吟鞭何處不欣慕慶安二年

和八木宗直君歲旦倭歌末字

春風入手掃塵埃倭詠攢霞淑氣催桃版似加方

朔棗君今七七年來歌中有年五十七之意  
慶安四年

漫摘八木君試筆倭什之尾字

朝向陶泓試翰墨高歌入耳鶯不默白髮不消雪

千莖慙愧門松城柳色承應元年

癸巳陔月摘八木宗直君試筆倭歌之末字

履端曆始開遲日使花催新曲踈歌裏春從倭語

來

甲午孟春摘八木宗直元且倭歌末字

年新意亦新短冊掬長春狗尾續歌末戴貂風韻

人 承應三年

摘八木但牧試觚倭歌末字

幽谷風暖見鸞晨野草青處煙霞紫歌與缺空孰

清高猶疑宿雪在太始

明曆元年

丙申歲初和奉八木但君倭詠之末字

穩坐屠蘇挹硯中東海立浴梅露似珠戴雪天如

笠

此外連年雖和宗直試毫倭歌罹丁酉之

災而不完全存

羅山林先生詩集卷之十三終

羅山林先生詩集卷第十四

歲時四

寬永庚辰雞旦源四品忠次君有誠毫倭歌

二篇吟玩之餘聊摘其詞之末字以為芳押

漫裁絕句二章以投之呈之庶幾英覽

墨池淨掃絕塵埃水懣筆花相共開蒼帝馭風旬

五日立春節去肇年來舊臘十六日立春故及此

新年一曲被歌催依例先斟椒柏盃綠有主人和

氣在鶯吟花語聽詩成

四品李部大卿源君者累世武門之傑舉世  
皆所知也去歲有經始新居之事余所祝且  
賀則既雖賦斯千之章而愧在燕雀之後今  
茲辛巳雞旦君詠試毫之倭歌寓其趣于詞  
中下且拜示諭之屬撮其末句之下字以為  
絕句之韻以呈焉  
海東遲日照樓臺新築翬飛霞作堆筆陣墨兵誰  
敢敵詞花發自士林來

漫摘松平吏部大卿君壬午試毫倭歌之末

字

歌似黃鸝最初囀寄來雲箋幾舒卷試春字數尤  
鮮明三辰四七星皆見

奉次吏部大卿源君癸未歲初試毫倭作之

末字

一朵紅雲遍九垓春風吹霽盡簾開筆戈紙陣闢  
花草歌與梅思最壯哉

甲申孟陬任例奉次源吏部大卿君元旦試  
毫倭歌二首末字去秋改采地增封于白河

城

春皇德澤永無竭高壽惠來如執謁細流漸解硯  
池中河海入手可超越

新歲欣榮門外松白河關壘仰高墟若非紅杏日  
邊見會向黃梅雨裏逢

正保二年乙酉正月奉摘大中太丈吏部大

卿源君試毫倭歌之末字

殘雪料知新歲豐白河關裏攬英雄黃金元是產  
東與片片于飛寫暮風

漫摘四品源吏部君丙戌歲初倭歌之末字

累世家風無等倫屠蘇任例始嘗新詞城更在金  
湯外報捷逢隈河上春

丁亥孟陬奉摘源吏部大卿元旦試簡倭歌

之末字

公子金衣刷羽儀朝霞映徹翠簾帷春聲下唱誰  
聽取唯有官梅御柳知

源吏部君被示戊子元旦試毫之倭歌因摘

其尾字為韻賦一絕以呈之

歌與梅花香字同永消萬水悉朝東春風一陣雪  
殘處影似鵝毛飛出籠

隨例奉撮吏部大卿源君已丑歲初倭咏之  
尾字

一片朝霞映畫簾青春新試兔毫尖鸞因淑氣年  
年囀花梅歡情日日添

辛卯正月吏部源忠次君有試毫倭歌去春  
在其采地播州姬路城有倭歌舊冬應徵請  
于武城於是被并示其兩首共以哉字為履

且請余一章和之因用其哉字為之韻乃綴  
一絕以奉焉

有脚陽春遍九垓二年新詠一回開武陵霞似蜀  
城錦遲日東西晴快哉

壬辰元日之倭歌吏部大卿源君遠自姬路  
被寄之採其末字為韻綴絕句以呈焉

士林新歲祝嘉時一詠一觴春白遲濯錦江心風  
暖處三朝細雨絕花知先輩呼城州為雍州播州為西蜀故引濯錦江之事且彼地元日雨降云爾



源吏部君今茲甲午僅艾歲在東武郎館有  
試毫倭什去春在其采地姬路城亦有試春  
佳作共以來字爲之尾而今應其求乃摘其  
尾字爲韻以屈蜂腰奉祝鶴筭云  
梅似莊椿喜早開芳齡半百士林魁天池水解墨  
池裏溟海東西魚躍來

乙未歲初奉和吏部大卿源君試筆倭詠之  
末字今茲元日立春

歌海水融磨麝煤武門魏得藝林才韶光羨善如

韶樂開歲發春相共來

丙申元日初奉吏部大卿源君倭詠之尾字  
舊年流如箭相對東風面士林花早開春色萬人  
見

丁酉孟春撮吏部大卿源君試觚倭歌末字  
以爲韻綴亦絕句投呈之

珍重新年到韶光處處好竹間一囀鸞喜有平安  
告

右自庚辰至丁酉凡十八首

源刑部君政房舊臘有命叙從五位下今歲  
甲午元旦貴父吏部君咏倭歌被慶祝之於  
是以其末字為韻呈一絕以依其請

春來殘雪纔一點彩霞片片和風颭幸逢東君恩  
露繁亮紅舜紫自此深

刑部大卿源君有丁酉雞旦試翰倭咏被示  
乏乃摘尾字以為韻賦一小絕以呈焉

霞開青瑣間水滸淺風定花初笑繁華却得

閑

是月十六日依招赴源吏部別業臨出  
書此詩以呈示之未陳旬而先生易箴

開源 乃是酬和之絕筆也

寬永戊辰賜坂淡州太守賦元旦倭歌二首  
被示之追八雲之跡慕六義之風不亦宜乎

余摘其末句之字以綴單詞二章投呈之聊  
祝其遠大兼賀歲初云爾

六義新開歲亦開詞林暖處得良材屠鯨一笑淵  
明酒門柳翅塵春早來

倭什笈正俱競新，唾珠兩顆掃纖塵。高歌絕唱人  
難和，睨眄黃鸝第一春。

奉和脇淡君已巳新正試臺倭歌二首之末  
字

雞且吟賞華始，游八雲帶霞，有光躡春風，貫徹歲  
寒心。松花不老，千萬葉  
開歲隨例，最欣喜愛看。倭什滿，單紙詞鋒新。解墨  
池水恰似干，將淬清水。

淡州賢牧脇坂君有庚午元日試類倭什歌

章叨撮其末字以為韻呈焉。原且三十一  
新年早到，自欣歡次第。番風花不寒，彩筆試春何  
所似。朝霞一朵五雲端，  
詞林今日得良材。霞外華篇手自開，新歲倭歌清  
幾許。滿庭殘雪亦奇哉。

絕句二章奉摘脇坂君辛未歲且倭什之末  
字云

勾芒普施陽春德，寫出健筆精神力。三十一字詞  
似花慙愧吾詩無，羨色天不吝亦堪對。好六義今

東海霞開硯不寒新年天下各欣歡倭歌六義今猶古大雅春風掃異端

賜坂君有壬申歲初倭歌惡篇漫撮其末字以為韻而奉皇之

座有屠蘇門有松新正到處悉歡悰春雲一朵樹頭日影與筆花相共重

春風吹煦物皆完梅自清香竹自安從此九旬韶景富萬花錦繡幾多端

二十八字奉次淡州君癸酉歲自三十一字

之末字

江府城邊遇吉辰吟中風物下年新詞林花發古今集收拾君歌可入春

奉和賜坂公甲戌歲自倭什之末字云

朝來試穎祝嘉辰欣賞詞林花氣新三十一言鸞囀裏絃歌暖響武城春

漫摘賜坂君乙亥元旦試觚倭什兩章之末字以和其韻

一嘯黃鸝集又飛高歌盈耳頗依稀風流添得青

春色花是文章震是衣

新年吉兆遇明時主有仁恩父有慈  
殘雪相望紅汗踐春風千里渥注兒

漫和賜坂君丙子雞旦試筆倭歌之末字

新歲云來舊臘還陽春有脚海東關  
筆端寫出梅花字一段番風吹溥山

依例新年歌更工看來字字挾春風  
雲牋一朵花如錦遊織晴絲滿碧空

丁丑歲初淡州太守賜坂君有元旦試毫倭

下兩歌二首風體追古奇麗驚人  
幸復之餘摘其末字作絕句二章以獻之  
舊臘朝鮮信使來  
享之時太守奉鈞命為之館伴其名既播  
于異域傳於無窮者也可嘉尚矣故祝其遠  
大聊及此云

三十一言風格淳梅花字字競清新  
送蕃客詠迎新歲烏丸雞林同樣春

遲日春風天下晴朝霞千里滿  
江城倭篇絕唱最難和  
睨皖初聽第一聲

腸坂君在信州采地，被詠戊寅元旦試毫倭  
歌二章，摘其末字，以為絕句韻，而投呈之。

故國迎年，喬木新屠，餘風暖賞，令辰。塙雞入畫，貼  
門戶，欣遇鵝湖山下春。

北斗知年肇，東風吹硯沼，曉來白雪殘，一曲報春  
鳥。

奉和腸坂君已卯年甫試筆倭歌末字，以唐  
言代倭什。

一陣東風處處新，武城駿府共令辰，煙霞吐色士

峯雪渾在詞花言葉春

時腸坂守駿城

何憂衰白催，且喜見花開，不隔海山遠，東君得得  
來。

庚辰阪月任例和腸坂君雞旦倭歌之末字

一幅春雲入陋室，看來天葩芬苾，苾離移，西周治  
世風，猶向東海出處日。

春來王澤和，且潤硯沼流，燕魚躍，奴只怪梅魂化  
王妃，香字鬢髻花鈿信。

腸坂君去歲有旨被養，令愛其喜可知也。可

謂世家矣今茲幸已難且倭歌兩篇被寄示  
余琅璅之則紅音紫韻花之父母也豈齒花  
而已哉龍種鳳雛竹之生孫亦庶幾乎任例  
和之以絕句云爾

養得佳人翠袖春團窠繁茂一家春此君願作斐  
君子細細風香淇澳春  
天下和風淑氣時庭前花柳更無私鳥吮頰點春  
心否婆餅焦聲又薄持

漫撮脇坂淡州太守壬午三元試韻倭章之

尾字二首

新詠賞嘉辰相觴是席珍三陽交泰日四海一家  
春

相憶窓梅疑是君筆花入手吐奇芬自從喚起一  
聲後百喜春來日日聞

癸未羊日撮脇坂君歲旦倭什之末字以爲  
韻賦絕句二章

倭詠恍吟雞日晨良材須自武門擒煙霞言語答  
鸞囀占得詞林心地春

座上相酒獻酬酢珍重六義有佳作何處春好每  
歲初家花車斜是韻脚

摘脇坂君甲申歲旦倭歌之末字

筆花不待信風吹五朶雲霞寄我時春到詞源水  
溫煖這中塩味可嘗知

喚起窓曙爍木旭煙霞出海風出谷隨例東皇德  
應天喜有去冬即位告

正保三年乙酉正月漫摘脇坂淡州太守藤

君試臺倭歌二首之末字以奉祝之且被示

一連歌發句皆是秀逸者乎君今所輪守之下

館城與菟波山相近接故拙語聊及之云

霞靄開時遲日外東風一陣解堅冰太平花有欣  
欣色舜紫堯紅從此增

暖雲漏出墨池中忽見韶陰淑氣融連得春歌花  
幾度武尊始唱菟波風

丙戌正月奉和脇坂淡州君在采地試春倭

歌之末字

喜看橋梓有慈仁座上椒觴霞氣新兩地韶光無



遠適武藏野草信濃春

漫摘腸淡君丁亥肇年試毫倭什之尾字

一枕敷于賞吉辰和風座上滿腔仁滌煩子外新  
歌味起也聲清顧渚春

詞林岑蔚最欣榮歲旦拙毫寫性情花插冠兮香  
襲履三十一字是春聲

著雍因敦太簇之月和奉腸淡牧藤亨君試

筆倭歌之末字

一囀黃鸝百喜歡梅花無恙竹平安那不動春

風動和氣蒼蒸青石磬

千里朝霞東海天前村殘雪識豐年高歌一曲答  
花語猶待紅音紫韻傳

任例奉攀藤亨君已丑歲旦倭什之末字

語帶煙霞筆吐風佳篇比玉色猶濃祇今恩霈喜  
如雨以在東君非太空

三十一言春信催辭林撰擇此良材東歌似唱江  
南曲花自梅關移得來

庚寅孟陬攀藤亨君雞旦試筆倭歌二首之

末字而綴絕句以獻之

倭什秀逸賀年甫歡聲聽得鸞琴敲一枝筆花一  
樹梅千紅萬紫不足數

一氣洪鈞幹旋早陶泓水解塵淨掃碧霞細馬嘶  
春風看花想像長安道

辛卯正月和藤亨君雞旦倭詠之末字定

春風觸物皆吹噓新歲倭什有芳譽鸞語似和答  
門雞睨睨喔咿天已曙

腸淡牧藤亨君在信州采地有壬辰歲初試

筆之倭歌被寄遠聲吟玩弗措依例摘其尾  
字而賦一絕以祝之以奉投贈之

曉來元氣幹洪鈞新歲長如木有椿分映江城遲  
日影絲霞千里信陽春

癸巳正月奉和腸坂君試筆倭歌二首摘其

末字云

倭什隨例慶年甫葩芬如自言中吐三辰恆星共  
韶光兆有一字是吉數

梅蕪小字開倭詠最良哉墨沼溟魚躍誰人可登

來登音得公羊傳有之

右自戊辰至癸巳凡四十七首

今茲之冬淡州卒去年七十少先生

歲相識三十年交際最厚

羅山林先生詩集卷之十四終

